


唐詩類苑



唐詩類苑第二十六卷

仁和卓明卿澂父編輯

華亭張之象玄超

長洲毛文蔚豹孫同校

取官部

司馬

岑參西亭子送李司馬一首

高高亭子郡城西直上千尺與雲齊盤崖綠壁試攀
躋群山向下飛鳥低使君五馬天半嘶絲繩玉壺爲
君提坐來一望無端倪紅花綠柳鶯亂啼千家萬井

連回溪酒行未醉聞暮鷄點筆操紙爲君題爲君題
惜解携草萋萋沒馬蹄

宋之問送許州宋司馬一首

潁郡水東流荀陳兄弟遊偏傷茲日遠獨向聚星州
河潤在明德人康非外求當聞力爲政遙慰我心愁

薛稷餞許州宋司馬一首

今弟與名兄高才振兩京別序聞鴻鴈離章動鶴鷄
遠鵬追翰墨勝地寫丹青風月相思夜勞望潁川星

李義餞許州宋司馬一首

展驥旌時傑談鷄羨代賢暫離仙掖務追送近郊筵

地慘金商節人康璧假田從來昆友事咸以佩刀傳

盧藏用餞許州宋司馬一首

國爲休徵選輿因仲舉題山川襄野隔朋酒灞亭睽
零雨征軒鶩秋風別驥嘶驪歌一曲罷愁望兩淒淒

馬懷素餞許州宋司馬一首

潁川開群邑角宿分纏野君非仲舉才誰應題輿者
憫憫琴上鶴蕭蕭路傍馬嚴程若可俟別袂希冉把

徐堅餞許州宋司馬一首

舊許星車轉神京祖帳開斷煙長別望零雨送離杯
辭燕依空遠賓鴻入聽哀分携與秋氣日夕共悲哉

唐詩卷之十一 蜀州趙司馬一首

餞子西南望烟綿劍道微橋寒金馬落林曙碧鷄飛
職拜輿方遠仙成履會歸定知和氏璧遙掩玉輪輝

蘇頲餞荊州崔司馬一首

茂禮雕龍昔香名展驥初水連南海漲星拱北辰居
稍發僊人履將題別駕輿明年徵拜入荆王不藏諸
岑參餞郭司馬赴伊吾郡請示李明府一首
安西美少年脫劍卸弓弦不倚將軍勢皆稱司馬賢
秋山城北面古治郡東邊江上舟中月遙思李郭仙
王維送宇文三赴河西充行軍司馬一首

橫吹雜繁笳邊風卷塞沙還聞田司馬更逐李輕車
蒲壘成秦地莎居屬漢家當今大戎國朝聘學昆耶
杜甫巴西聞收京送班司馬一首

開道收宗廟鳴鑾自陝歸傾都看黃屋正殿引朱衣
劍外春天遠巴西勅使稀念君經世亂死馬向王畿
杜甫送司馬入京一首

群盜至今日先朝忝從臣歎君能恋主久客羨歸秦
黃閣長司諫丹墀有故人向來論社稷爲話滌沾巾
高適東平留贈狄司馬一首

古人無宿諾茲道未爲難萬里赴知己一言誠可歎

馬蹄經月窟，劍術指樓蘭。地出北庭盡，城臨西海寒。
森然瞻武庫，則是弄儒翰。入幕綰銀綬，乘軺蕪鉄冠。
練兵日精疏，殺敵無遺殘。獻捷見天子，論功俘川汗。
激昂丹墀下，顧盼青雲端。誰謂縱橫策，翻爲權勢干。
將軍旣坎廩，使者亦辛酸。耿介挹三事，羈離從一官。
知君不得意，他日會鵬搏。

杜甫柳司馬至一首

有使歸三峽，相過問兩京。函關猶出將，渭水更屯兵。
設備邯鄲道，和親邏些城。凶燕惟鳥去，商洛少人行。
衰謝身何補，蕭條病轉嬰。霜天到宮闕，戀主寸心明。

杜甫贈虞十五司馬一首

遠師虞祕監，今喜識玄孫。形象丹青逼，家聲器宇存。
淒涼憐筆勢，浩蕩問辭源。爽氣金天豁，清談玉露繁。
佇鳴南嶽鳳，欲化北溟鯤。交態知浮俗，儒流不異門。
過逢連客位，日夜倒芳樽。沙岸風吹葉，雲江月上軒。
百年嗟已半，四座敢辭喧。書籍終相與，青山隔故園。

判官

岑參號中酬陝西甄判官一首

微才棄散地，拙宦慙清時。白髮徒自負，青雲難可期。
胡塵暗東洛，亞相方出師。分陝振鼓鼙，二嶠滿旌旗。

夫子廊廟器迥然東冥姿閩外佐戎律幕中吐兵奇
前者驛使來忽枉行軍詩晝吟庭花落夜諷山月移
昔君隱蘇門浪跡不可羈詔書自徵用令譽天下知
別來春草長東望轉相思寂寞山城暮空聞畫角悲
岑參入劍門作寄杜揚二郎中時二公並爲

杜元帥判官一首

不知造化初此山誰開拆隻崖倚天立萬仞從地劈
雲飛不倒頂鳥去難過壁速駕畏巖傾單行愁路窄
平明地仍黑停午日暫赤凜凜三伏寒嶢嶢五丁迹
與時忽開閉作固或順逆磅礴跨岷峨魏蟠限蠻貊

星當嘴參分地處西南僻陡覺烟景殊杳將華夏隔
劉氏昔顛覆公孫曾敗績始知德不修恃此儉何益
相公總師旅遠近罷金革杜毋來何遲蜀人應更惜
暫回丹青慮少用開濟策二友華省郎俱爲幕中客
良籌佐戎律精理皆碩畫高文出詩騷與學窮討臚
聖朝無外戶寰宇被德澤四海今一家徒然劔門石

杜甫贈李八丈判官一首

我丈時英特宗枝神堯後珊瑚市則無駮驥人得有
早年見標格秀年衝牛斗事業富清機官曹正獨守
頃來樹嘉政皆已傳衆口艱難休貴安冗長吾敢取

區區猶歷試炯炯更持久討論實解願操割紛應手
篋書積諷諫宮闕限奔走入幕未展材秉鈞孰爲偶
所親問淹泊汎愛惜衰朽垂白辭南翁委身希北叟
真成窮轍鮒或似喪家狗秋枯洞庭石風颯長沙柳
高興激荆衡知音爲回首

杜甫送長孫九侍御赴武威判官一首

驄馬新鑿蹄銀鞍被來好繡衣黃白郎騎向交河道
問君適萬里取別何草草天子憂涼州嚴程到湏早
去秋群胡反不得無雷掃此行牧遺畝風俗方再造
族父領元戎名聲閣中老奪我同官良颺颺按城堡

使我不能餐令我惡懷抱若人才思濶溟漲浸絕島
樽前失詩流塞上得國寶皇天悲送遠雲雨白浩浩
東郊向烽火朝野色枯槁西極柱亦傾如何正穹昊

杜甫送樊二十三侍御赴漢中判官一首

威弧不能弦自爾無寧歲川谷血橫流豺狼沸相噬
天子從北來長驅振凋敝頓兵岐梁下却跨沙漠裔
二京陷未收四極我得制蕭索漢水清緬通淮河稅
使者紛星散王綱尚旒綴南伯從事賢君行立談際
生知七曜曆手畫三軍勢水霜淨聰明雷霆走精銳
幕府輟諫官朝廷無此例至尊方旰食仗爾布嘉惠

補闕暮徵人柱史長征懋正當艱難時實籍長久計
回風吹獨樹白日照執袂慟哭蒼烟根山門萬里閉
居人莽牢落遊子方迢迢徘徊悲生離局促老一世
陶唐歌遺民後漢更列帝恨無匡復姿聊欲從此逝

杜甫送從弟亞赴安西判官一首

南風作秋聲殺氣薄炎熾盛夏鷹隼擊時危異人至
令弟草中來蒼然請論事詔書引上殿奮舌動天意
兵法五十家爾腹為篋笥應對如轉丸疏通畧文字
經綸皆新語足以正神器宗廟尚為灰君臣俱下淚
崆峒地無軸清海天軒輕西極最瘡痍連山暗烽燧

帝曰大布衣藉卿佐元帥坐看清沅沙所以子奉使
歸當在前席適遠非歷試須存武威郡為書長久利
孤峯石戴驛快馬金纏轡黃羊飫不羶蘆酒多還醉
踴躍常人情慘淡苦士志安邊敵何有反正計始遂
吾聞駕鼓車不令用麒麟龍吟回其頭夾輔待所致

杜甫送韋十六評事充同谷防禦判官一首

昔沒賊中時潛與子同遊今歸行在所王事有去番
偏側兵馬間主憂急良籌子雖軀幹小老氣橫九州
挺身艱難際張目視寇讎朝廷壯其節奉詔令叅謀
鑾輿駐鳳翔同谷為咽喉西扼弱水道南鎮枹罕陬

此邦承平日剽劫吏所羞况乃胡未滅控帶莽悠悠
府中常使君道足示懷柔令姪才俊茂二美又何求
受詞太白脚走馬仇池頭古色沙土裂積陰霜雪稠
羌父豪猪靴羗兒青兕裘吹角向月窟蒼山旌旗愁
鳥驚出死樹龍怒拔老秋古來無人境今代橫戈矛
傷哉文儒士憤激馳林丘中原正格鬪後會何緣由
百年賦命定豈料沉與浮且復戀良友握手步道周
論兵遠壑淨亦可縱冥搜題詩得秀句札翰時相投

李白流夜郎贈辛判官一首

昔在長安醉花柳五侯七貴同杯酒氣岸還凌豪士

前風流肯落他人後夫子紅顏我少年章臺走馬着
金鞭文章獻納麒麟殿歌舞淹留玳瑁筵與君自謂
長如此寧知草動風塵起函谷忽驚胡馬來秦宮桃
李向明開我愁遠謫夜郎去何日金鷄放赦回

王昌齡送鄭判官一首

東楚吳山驛樹微輶車啣命奉恩輝英寮携出新豐
酒半道遙看驄馬歸

徐安貞送王判官一首

明月開三峽花源出五溪城池青壁裏烟火綠林西
不畏王程促惟愁仙路迷巴東下歸棹莫待夜猿啼

高適別馮判官一首

碣石遼西地，漁陽薊北天。關山唯一道，雨雪盡三邊。
才子方為客，將軍正渴賢。遙知幕府下，書記日翩翩。

高適送董判官一首

逢君說行邁，倚劍別交親。幕府為才子，將軍作主人。
近關多雨雪，出塞有風塵。長策須當用，男兒莫顧身。

岑參陝州月城樓送辛判官入奏一首

送客飛鳥外，城頭樓最高。樽前遇風雨，窓裏動波濤。
謁帝向金殿，隨身惟寶刀。相思灞陵月，祇有夢偏勞。

岑參送裴判官自賊中再歸河陽幕府一首

東郊未解圍，忠義似君稀。誤落胡塵裏，能持漢節歸。
卷簾山對酒，上馬雪沾衣。却向嫖姚幕，翩翩去若飛。

王維送平淡然判官一首

不識陽關路，新從定遠侯。黃雲斷春色，盡角起邊愁。
瀚海經年到，交河出塞流。須令外國使，知飲月支頭。

王維送李判官赴江東一首

聞道皇華使，方隨皂蓋臣。封章通左語，冠冕化文身。
樹色分楊子，潮聲滿富春。遙知辨璧吏，恩到泣珠人。

王維送張判官赴河西一首

單車曾出塞，報國敢邀勳。見逐張征虜，今思霍冠軍。

沙平連日雪蓬卷入黃雲慷慨倚長劍高歌一送君
杜甫送靈州李判官一首

羯胡腥四海回首一茫茫血戰乾坤赤氛迷日月黃
將軍專策畧幕府盛才良近賀中興主神兵動朔方
杜甫贈田九判官梁丘一首

崆峒俠節下青霄河隴降龍欵聖朝死馬總肥春苜
蓿將軍只數漢嫖姚陳留阮瑀誰爭長京兆田郎早
見招麾下賴君才並入獨能無意向漁樵

岑參餞王岑判官赴襄陽道一首

故人漢陽使走馬向南荆不厭楚山路祗憐襄水清

津頭習氏宅江上夫人城夜入橘花宿朝穿楓葉行
害群應自懾持法固須平斃得青門醉斜光速去程

高適睢陽酬別暢大判官一首

吾友遇知己策名逢聖朝高才擅白雪逸翰懷青霄
承詔選嘉兵慨然即馳軺清晝下公館尺書忽相邀
畱歡惜別離畢景駐行鑣言及沙漠事益令胡馬驕
丈夫拔東蕃聲冠霍嫖姚兜鍪衝矢石鉄甲生風颯
諸將出井陘連營濟石橋黃豪盡俘馘子弟輸征徃
邊庭絕刁斗戰地成漁樵榆閤夜不扃塞口長蕭蕭
降胡滿薊門一一能射鵬軍中多燕樂馬上何輕趨

唐詩類苑 卷之十一 取官詩 十一 杜齊周平
戎狄本無厭羈縻非一朝飢附誠足用飽飛安可招
李牧制儋藍遺風豈寂寥若還謝幕府慎勿輕芻蕘

高適餞宋八克彭中丞判官之嶺外一首

覩君濟時畧使我氣填膺長策竟不用高才徒見稱
一朝知己達累日詔書徵羽翮忽然就風颿誰敢凌
舉鞭趨嶺嶠屈指冒炎蒸北鴈送馳驛南人思飲冰
彼邦本倔強習俗多驕矜翠羽干平法黃金撓直繩
若將除害馬慎勿信蒼蠅魑寧無患忠貞適有憑
依啼山不斷鳶跼路難登海岸出交趾江城連始興
繡衣當節制幕府盛威稜勿憚九疑險須令百越澄

立談多感激行李即嚴凝離別胡爲者雲霄遲爾昇

高適送柴司戶充劉卿判官之嶺外一首

嶺外資雄鎮朝端寵節旄月卿臨幕府星使出詞曹
海對羊城濶山連象郡高風霜驅瘴癘忠信涉波濤
別恨隨流水交情脫寶刀有才無不適行矣莫徒歎

書記

杜甫送高三十五書記一首

崆峒小麥熟且願休王師請君問主將焉用窮荒爲
飢鷹未飽肉側翅隨人飛高生跨鞍馬有似幽并兒
脫身簿尉中始與揉楚辭借問今何官觸熱向武威

唐詩卷之十一
卷之十一
答云一書記所愧國士知人實不易知更須慎其儀
十年出幕府自可持旌麾此行既特達足以慰所思
男兒功名遂亦在老大時常恨結驪淺各在天一涯
又如參與商中腸安不悲驚風吹鴻鵠不得相追隨
黃塵翳沙漠念子何當歸遊城有餘力早寄從軍詩
杜審言送崔融一首

君王行出將書記遠從征祖帳連河關軍麾動洛城
旌旗朝朔氣笳吹夜邊聲坐覺煙塵掃秋風古北平
杜甫送常書記赴安西一首

夫子歛通貴雲泥相望懸白頭無籍在朱紱有哀憐
書記赴三捷公車留二年欲浮江海去此別意滄然
高適宋中遇劉書記有別一首

何代無秀士高門生此才森然覩毛髮若見江山來
幾載困常調一朝時運催白身謁明主待詔登雲臺
相逢梁宋間與我醉蒿萊寒楚渺千里雪天晝不開
末路終別離不能強悲哀男兒爭富貴勸爾莫遲迴
杜甫送蔡希魯都尉還隴右寄高三十五書

記一首

蔡子勇成癖彎弓西射胡健兒寧關死壯士耻爲儒
官是先鋒得材緣挑戰須身輕一鳥過鎗急萬人呼

唐詩類苑 卷之十一 贈別 十一
雲幕隨開府春城赴上都馬頭金匱匣駝背錦模糊
咫尺雪山路歸飛西海隅上公猶寵錫突將目前驅
漢使黃河遠涼州白麥枯因君問消息好在阮元瑜

管記

高適贈別王七十管記一首

故交吾未測薄宦空年歲晚節蹤曩賢雄詞冠當世
堂中皆食客門外多酒債產業曾未言衣裘與人敝
飄颻戎幕下出入關山際轉戰經壯心立談有邊計
雲沙自迴合天海空迢迢星高漢將驕月盛胡兵疏
沙深冷陁斷雲暗遼陽閉亦謂掃撓捨旋驚陷蜂蠆

歸旌告東捷鬪騎傳西敗遙飛絕漢書已築長安第
畫龍俱在葉寵鶴先歸衛勿辭部曲勲不籍將軍勢
相逢季冬月悵望窮海裔折劍留贈人嚴裝遂云邁
我行即悠緲及此還羈滯曾非濟代謀且有臨深誠
隨波混淆濁與物同醜麗眇憶青巖棲寧忘褐衣拜
自言偕水石本欲親蘭蕙何意薄松筠翻然重管削
恒深取與分孰慢平生契款曲鷄黍期酸辛別離袂
逢時媿名節遇坎悲渝替適趙非解紛遊燕獨無說
浩歌方振蕩逸翮思凌厲倏若異鵬搏吾當學蟬蛻

杜審言贈蘇管記一首

北地寒廔苦南庭戍不歸邊聲亂羌笳翔氣卷戎衣
兩雪閉山暗風霜草木稀胡兵戰欲盡虜騎獵猶肥
鴈塞何時入龍城幾度圍據鞍雄劔動提筆羽書飛
與駕還京邑朋游滿帝畿方期乘獻凱歌舞共春輝

都督

崔顥贈梁州張都督一首

聞君爲漢將虜騎不南侵出磧清沙漠還家拜羽林
風霜臣節苦歲月主恩深爲語西河使知余報國心
王維送趙都督赴代州一首
天官動將星漢上柳條青萬里鳴刁斗三軍出井陘

忘身辭鳳闕報國取龍庭豈學書生輩窓間老一經
都護

李白丁督護歌一首

雲陽上征去兩岸饒商賈吳牛喘月時拖船一何苦
水濁不可飲壺漿半成土一唱都護歌心摧泪如雨
萬人鑿磐石無由達江滸君看石芒碭掩泪悲千古
王維奉和聖製送不蒙都護燕鴻臚卿歸安

西應制一首

上卿增命服都護揚歸旆雜虜盡朝周諸胡皆自郤
鳴笳瀚海曲按節陽關外落日下河源寒山靜秋塞

唐詩卷之六
萬方氛祲息六合乾坤大無戰是天心天心同覆載
崔顥送單于裴都護赴西河一首

征馬出翩翩城秋月正圓單于莫近塞都護欲臨邊
漢驛通煙火胡沙泛井泉功成須獻捷未必去經年

常建送李大都護一首

單于雖不戰都護事邊深君執幕中祕能爲高士心
海頭近初月磧裏多愁陰西望郭猶子將分淚滿襟

盧象送趙都護赴安西一首

下客候旌麾元戎復在斯門開都護府兵動羽林兒
黠虜多翻覆謀臣有別離智同天所授恩共日相隨

漢史開賓幙胡笳送酒卮風霜迎馬首雨雪事魚麗
在策應無戰深情屬載馳不應行萬里明主寄安危

張九齡送趙都護赴安西一首

將相有更踐簡心良獨難遠圖嘗畫地超拜乃登壇
戎卽崑山序車能渤海單義無中國費情必遠人安
他日文兼武而今粟且寬自然來月窟何用刺樓蘭
南至三冬晚西馳萬里寒封侯自有處征馬去嘽七

孫逖送趙都護赴安西一首

外域分都護中臺命職方欲傳清廟畧爲取劇曹郎
已佩登壇印猶懷伏奏章百壺開祖餞四牡結戎裝

唐詩集卷之十六 聯句 十五 齊周本
清海連西曼黃河帶北涼關山瞻漢月戈劍宿胡霜
體國才先著論兵策復長果持文武術還寄杜當陽

都使

李白贈劉都使一首

東平劉公幹南國秀餘芳一鳴即朱紱五十佩銀章
飲冰事戎幕衣錦華水鄉銅官幾萬人諍訟清玉堂
吐言貴珠玉落筆迴風霜而我謝明主銜哀投夜郎
歸家酒債多門客粲成行高談滿四座一日傾千觴
所求竟無緒裘馬欲摧藏主人若不顧明發釣滄浪

參軍

高適別高參軍一首

二十解書劍西遊長安城舉頭望君門屈指取公卿
國風冲融邁三五朝廷禮樂彌寰宇白壁皆言賜近
臣布衣不得干明主歸來洛陽無負郭東過梁宋非
吾土兔苑爲農歲不登鴈池垂釣心長苦世人向我
同衆人唯君於我最相親且喜百年有交態未嘗一
日辭家貧彈碁擊筑白日晚縱酒高歌楊柳春歡娛
未盡分散去使我惆悵驚心神丈夫不作兒女別臨
岐涕淚沾衣巾

杜甫送高參軍上閬州錄事參軍一首

唐詩卷之十一
國步猶艱難兵革未衰息萬方哀嗷嗷十載供軍食
庶官務割剝不暇憂反側誅求何多門賢者貴爲德
膏生富春秋洞徹有清識操持紀綱地喜見朱絲直
當令豪奪吏自此無顏色必若救瘡痍先應去蝥賊
揮淚臨大江高天意悽惻行行樹佳政慰我深相思

京兆

岑參暮秋會嚴京兆後廳竹齋一首

京尹小齋寬公庭半藥闌甌香茶色嫩牕冷竹聲乾
盛德中朝貴清風畫省寒能將吏部鏡照取寸心者

杜甫奉贈鮮于京兆二十韻一首

王國稱多士賢良復幾人異才應間出爽氣必殊倫
始見張京兆宜居漢近臣駢駟開道路鳴鸚離風塵
侯伯知何筭文章實致身奮飛超等級容易失沉淪
脫畧蟠溪釣操持郢匠斤雲霄今已逼台衮更誰親
鳳穴鷄皆好龍門客又新義聲紛感激敗績自逡巡
途遠欲何向天高難重陳學詩猶孺子鄉賦念嘉賓
不得同鼎錯吁嗟後郗詵計踈疑翰墨時過憶松筠
獻納紆皇眷中間謁紫宸且隨諸彥集方覲薄才伸
破膽遭前政陰謀獨秉鈞微生露忌刻萬事益酸辛
交合丹青地恩傾雨露辰有儒愁餓死早晚報平津

少尹

岑參酌成少尹駱谷行見呈一首

聞君行路難惆悵臨長衢豈不憚險艱王程剩相拘
憶昨蓬萊宮新授刺史符明主仍賜衣價直千萬餘
何幸承命日得與夫子俱携手出華省連纒赴長途
五馬當路嘶按節投蜀都千崖信縈折一徑何盤紆
曾水滑征輪密竹礙隼旗深林送昏旦棧道凌空虬
飛雪縮馬毛烈風擘我膚峯攢望天小亭午見日初
夜宿月近人朝行雲滿車泉澆石罅折火入松心枯
亞尹同心者風流賢大夫榮祿上及親之官隨板輿

高價振臺閣清詞出應徐成都春酒香且用俸錢沽
浮名何足道海上堪乘桴

杜甫章梓州橘亭餞成都竇少尹得涼字一
首

秋日野亭千橘香玉杯錦席高雲涼主人送客何所
作行酒賦詩殊未央衰老應爲難離別賢聲此去有
輝光預傳籒籍新京兆青史無勞數趙張

功曹

高適送崔功曹赴越一首

傳有東南別題詩報客居江山知不厭州縣復何如

莫恨吳歛曲當看越絕書今朝欲乘興隨爾食鱸魚
杜甫送段功曹歸廣州一首

南海春天外功曹幾月程峽雲籠樹小湖日落江明
交趾丹砂重韶州白葛輕幸君因旅客時寄錦官城
張九齡送楊府李功曹一首

平生屬良友結綬望光輝何知人事拙相與宦情非
別路穿林盡征帆際海歸居然已多意况復兩鄉違

岑參送蜀郡李椽一首

飲酒俱未醉一言聊贈君功曹善爲政明主還應聞
夜宿劔門月朝行巴水雲江城橘花發滿道香氣氤

兵曹

王昌齡送十二兵曹一首

縣戢如長纓終日檢我身平明趨郡府不得展故人
故人念江湖富貴如埃塵迹在戎府椽心遊天台春
獨立浦邊鶴白雲長相親南風忽至吳分散還入秦
寒夜天光白海靜月色真對坐論歲暮絃歌起無因
平生馳驅分非謂杯酒仁出處兩不合忠貞何由申
看君孤舟去且欲歌垂綸

李頎贈別張兵曹一首

漢家蕭相國功蓋五諸侯勲業山河重丹青錫命優

君為禁嚮壻爭看王人遊苟令焚香日潘即振藻秋
新成鸚鵡賦能衣鷓鴣裘不憚軒車遠仍尋薜荔幽
苑梨飛絳葉伊水淨寒流雪滿故關道雲渡祥鳳樓
一身輕寸祿萬物任虛舟別後如相問滄浪雙白鷗

杜甫暮冬送蘇四郎後兵曹適桂州一首

飄飄蘇季子六印佩何遲早作諸侯客燕工古躰詩
爾賢埋照久余病長年悲廬縮須征日樓蘭要斬時
歲陽初盛動王化久磷緝為入蒼梧廟看雲哭九疑

唐詩類苑第二十六卷終

唐詩類苑第二十七卷

仁和卓明卿澂父編輯

華亭張之象玄超

長洲毛文蔚豹孫同校

職官部

太守

玄宗送忠州太守康昭遠一首

端拱臨中樞緬懷共子理不有臺閣英孰振循良美
分符侯甸內拜喜明庭裏誓節期飲冰調人方導水
嘉聲馳九牧惠化光千祀時雨侔昔賢芳猷貫前史

唐詩卷之十七 贈官部
一
林齋周本

佇爾頌中和吾將令卿士
高適奉酬北海李太守丈人夏日平陰亭一
首

天子股肱守丈人山岳靈出身侍丹墀舉翮凌青冥
常昔皇運否人神俱未寧諫官莫敢議酷吏方專刑
谷未獨言事匡衡多引經內朝納深衷萬乘無不聽
盛烈播南史雄詞豁東溟誰謂整隼旟翻然憶柴扃
寄書汶陽客迴首平陰亭開封見千里結交念百齡
隱軫江山麗氛氲蘭茝馨自憐遇時休漂泊隨流萍
春野變木德夏天臨火星一生徒羨魚四十猶聚螢

從此日閑放焉能懷拾青

岑參送顏平原一首并序

十二年春有詔補尚書十數公爲郡守上親賦
詩觴群公宴于蓬萊前殿仍錫以繒帛寵餞加
等參美顏公是行爲寵別章句

天子念黎庶詔書換諸侯仙郎綬剖符華省輟分憂
置酒會前殿賜錢若山丘天章降三光聖澤該九州
吾兄鎮河朔拜命宣皇猷駟馬辭國門一星東北流
夏雲照銀印暑雨隨行軛赤筆仍仕篋鑪香惹衣裘
此地鄰東溟孤城吊滄洲海風掣金戟導吏呼鳴騶

唐詩卷之十一 職官部
郊原北連燕剗風未休魚鹽隘里巷桑柘盈田疇
爲郡豈淹旬政成應未秋易俗去猛虎他人佀馴鷗
蒼生已望君黃霸寧久留

李白贈從弟南平太守之遙一首

東平與南平今古兩步兵素心愛美酒不是顧專城
謫官桃源去尋花幾處行秦人如舊識出戶笑相迎

李白贈宣城趙太守悅一首

趙得寶符盛山河功業存三千堂上客出入擁平原
六國揚清風英聲何喧喧七賢茂遠業虎竹光南藩
錯落千丈松虬龍盤古根枝下無俗草所植惟蘭蓀

憶在南陽時始承國士恩公爲柱下史脫繡歸田園
伊昔簪白筆幽都逐游蒐持斧冠三軍霜清天北門
差池宰兩邑鸚立重飛翻焚香入蘭臺起草多方言
夔龍一顧重矯翼凌翔鶴赤縣揚雷聲疆項聞至尊
驚飈頽秀木跡屈道彌敦出牧歷三郡所居猛獸奔
遷人同衛鶴謬上懿公軒自笑東郊履側慚彼自溫
閑吟步石竹積義忘朝昏顛顛成醜士風雲何足論
獼猴騎士牛羸馬來隻轅願借羲皇景爲人照覆盆
溟海不振蕩何由縱鵬鷗所期玄津白倜儻假騰騫
岑參燉煌太守後庭歌一首

燉煌太守才且賢，郡中無事高枕眠。太守到來山出
泉，黃沙磧裏人種田。燉煌耆舊髮皓然，願留太守更
五年。城頭月出星滿天，曲房置酒張錦筵。美人紅粧
色正鮮，側垂高髻插金鈿。醉坐藏鈎紅燭前，不知鈎
在若個邊。爲君手把珊瑚鞭，射得半段黃金錢。此中
樂事亦已偏。

岑參贈酒泉韓太守一首

太守有能政，遙聞如古人。俸錢盡供客家計，亦清貧。
酒泉西望玉關道，千山萬磧皆白草。辭君走馬歸長
安，隱居倏忽令人老。

王維送崔五太守一首

長安廐吏來到門，未央露網動行軒。黃花縣西九折
坂，玉樹宮南五丈原。褒斜谷中不容幘，唯有白雲當
露冕。子午山裏杜鵑啼，嘉陵水頭行客飯。劔門忽斷
蜀川開，萬井雙流滿。眼來霧中遠，樹乃州出天際澄。
江蜀字廻使君年，幾三十餘少年白。暫專城居欲持
畫省，卽官筆廻與臨邛父老書。

岑參酒泉太守席上醉後作一首

酒泉太守能劔舞，高堂置酒夜擊鼓。胡笳一曲斷人
勝，座上相看淚如雨。

王昌齡留別司馬太守一首

辰陽太守念王孫
遠謫沅溪何可論
黃鶴青雲當一舉
明珠吐着報君恩

蘇頲餞潞州陸長史再守汾州一首

河尹政成暮爲汾
昔所推不榮三入地
還美再臨時
擁傳雲初合
聞鶯日正遲
傍人多出餞
別有吏民思
高適同李太守北池泛舟宴高平鄭太守一首

首

每揖龔黃事
還陪李郭舟
雲從四岳起
水向百城流
幽意隨登陟
嘉言即獻酬
乃知縫掖貴
今日對諸侯

高適同群公十月朝宴李太守宅一首

良牧徵高賞
寒帷問考槃
歲時當正月
甲子入初寒
已听耳棠頌
欣陪旨酒歡
仍憐門下客
不作布衣看
岑參送任郎中出守明州一首

罷起郎官草
初分刺史符
城邊樓枕海
郭裡樹侵湖
郡政傍連楚
朝恩獨借吳
觀濤秋正好
莫不止姑蘇
王維送封太守一首

忽解羊頭削
聊馳熊首幡
揚舲發夏口
按節向吳門
帆影丹陽郭
楓攢赤岸村
百城多候吏
露冕一何尊
李白送長沙陳太守二首

唐詩卷之二十七 職官部 五 松齋題本
七郡長沙國南連湘水濱吳王垂舞袖地窄不迴身
莫小二千石當安遠俗人洞庭鄉路遠遙羨錦衣春

又

長沙陳太守逸氣凌青松英王賜玉馬本是天池龍
湘水迴九曲衡山望五峯榮石按節去不及遠相從
張謂寄崔澧州一首

共樸臺郎被俱褰郡守帷罰金殊往日鳴玉幸同時
五馬來何晚隻魚贈已遲江頭望鄉月無夜不相思

李頎寄綦毋三一首

新加大邑綬仍黃近與單車去洛陽顧盼一過丞相

府風流三接令公鄉南川種稻花侵縣西嶺雲霞色
滿堂共道進賢蒙上賞看君幾歲作臺郎

李頎送東陽王太守一首

江臯杜衡綠芳草日遲遲檜楫今何去星郎出守時
彤襜問風俗明主寄惇嫠令下不徒爾人和當在茲
昔年經此地微月有佳期洞口桂花白岳前奈草滋
素沙靜津瀨青壁帶川坻野鶴每孤立林鶻常書悲

高適東平旅遊奉贈薛太守二十四韻一首

頌美馳千古欽賢仰大猷晉公標逸氣汾水住長流
神與公忠節天生將相壽青雲本自負赤縣獨推尤

御史風逾勁，郎官草屨修。鴛鴦粉署起，鷹隼栢臺秋。
出入交三事，飛鳴揖五侯。軍書陳上策，廷議借前籌。
肅肅趨朝列，誰誰引帝求。一麾俄出守，千里再分憂。
不改任棠水，仍傳晏子裘。歌謠隨舉扇，旆旆逐鳴騶。
郡國長河遶，川源大野幽。地連堯泰嶽，山向禹青州。
汶上春帆渡，秦亭晚日愁。遺墟當少昊，懸象逼奎婁。
卽此逢清鑒，終然喜暗投。叨承解榻禮，更得問縑遊。
高興陪登陟，嘉言忝獻酬。覲棊知戰勝，探象會冥搜。
眺聽情何限，冲融惠勿休。祗應齊語默，寧肯問沉浮。
然諾長懷季，栖遲輒累丘。平生感知已，方寸豈悠悠。

高適奉酬睢陽李太守一首

公族稱王佐，朝經允帝求。本枝疆我李，磐石冠諸劉。
禮樂光輝盛，山河氣象幽。系高周柱史，名重晉陽秋。
華省應推擇，青雲寵宴遊。握蘭多具美，前席有嘉謀。
賦得黃金賜，言皆白璧酬。着鞭驅駟馬，操刃解全牛。
出鎮蕪方伯，承家復列侯。朝瞻孔北海，時用杜荊州。
廣固纔登陟，毘陵忽阻脩。三台冀入夢，四嶽尚分憂。
郡邑連京口，山川望石頭。海門當建節，江路引鳴騶。
俗見中興理，人逢至道休。先移白額橫，更息赭衣偷。
梁國歌未晚，徐方怨不留。豈伊齊政術，將以變滌浮。

唐詩類苑 卷之十七 職官部 七
訟簡知能吏刑寬察要囚坐堂風偃草行縣雨隨輶
地是蒙莊宅城遺闕伯丘孝王餘井徑微子故田疇
冬至招搖轉天寒蟬蛻收依岩飛雨雪兎苑落梧楸
列戟霜侵戶寒幃月在鈎好賢常解榻乘興每登樓
逸足橫千里高談注九流詩題青玉案衣贈黑貂裘
窮巷軒車靜閑齋耳目愁未能方管樂翻欲慕巢由
講德良難敵觀風豈易儔寸心仍有適江海一扁舟

高適奉酬路太守見贈之作一首

盛才膺命代高價動良時帝簡登藩翰人和發詠思
神仙去華省鴛鷺憶丹墀清淨能無事優游即賦詩

江山分想像雲物共萎蕤逸氣劉公幹玄言向子期
多慙及引速翻愧激昂遲相馬知何限登龍反自疑
風塵吏道迫行邁旅心悲拙疾徒爲爾窮愁欲問誰
秋庭一片葉朝鏡數莖絲州縣耳無取丘園悔莫追
瓊瑤生篋笥光景蒲茅茨他日青霄騎猶應訪所之

王維康太守一首

城下滄江水江邊黃鶴樓朱欄將粉堞江水映悠悠
澆吹發夏口使君居上頭郭門隱楓岼候吏趨蘆州
何異臨川郡還來康樂侯

使君

蘇頲餞郢州李使君一首

楚有章華臺遙遙雲夢澤復聞擁符傳及是收圖籍
佳政在離人能聲竒侯伯離懷朔風起試望秋陰積
中路悽以寒群山靄將夕傷懷聊把袂悵望麒麟客

王維送李睢陽一首

將置酒思悲翁使君去出城東麥漸漸稚子斑愧陰
陰到潼關騎連連車遲遲心中悲宋又遠周間之南
淮夷東齊兒碎七織練與素絲遊人賈客信難持五
穀前熟方可爲下車閉閣君當思天子當歿儼衣裳
太官尚食陳羽觴彤庭散綬吐鳴瑞黃紙詔書出東

廂輕紈疊綺爛生光宗室子弟君最賢分憂當爲百
辟先布衣一言相爲死何況聖主恩如天鸞聲噦七
魯侯旗明年上計朝京師須憶今日斗酒別慎勿富
貴忘我爲

杜甫李司馬橋了承高使君自城都迴一首

向來江上手紛七三日成功事出群已傳童子騎青
竹總擬橋東待使君

沈佺期餞唐州高使君一首

弱冠相知早中年不見多生涯在王事容鬢各蹉跎
良守初分岳嘉聲即潤河還從漢闕下傾耳听中和

唐詩卷之二十七 職官部
常元旦餞唐州高使君一首

桐栢膺新命芝蘭惜舊遊
鳴臯夜鶴在遷木早鶯求
傳擁淮源路樽空灞月流
落花分近遠春色到離憂

馬懷素餞唐州高使君一首

外牧資賢守斯人奉帝俞
淮南膺建隼渭北軫分符
坐歎烟波隔行嗟物候殊
何年昇美課回看北城隅

張說餞唐州高使君一首

常時好閑獨朋舊少相過
及尔宣風去方嗟別日多
淮流春婉婉汝海路蹉跎
百歲屢分散權言復幾何

盧藏用餞唐州高使君一首

餞酒臨豐樹寒帷出魯陽
薰蘭春已曉桐栢路猶長
祖逖方城鎮安仁外氏鄉
從來二千石天子命惟良

李義餞唐州高使君一首

淮源之水清可以濯君纓
彼美稱才傑親人佇政聲
歲寒疇曩意春晚別離情
終歎臨岐遠行看擁傳榮

岑羲餞唐州高使君一首

蒼茫南塞地明媚上春時
日極傷千里懷居不自持
征車別岐路斜日下崦嵫
一歎輶軒阻悠悠即所思

崔湜餞唐州高使君一首

芳春桃李時京都物華好
爲岳豈不貴所悲陟遠道

遠道不可思宿昔夢見之贈君斐佩刀日夕視來期
徐彥伯餞唐州高使君一首

香萼媚紅滋垂條縈綠絲情人拂瑤袂共惜此芳時
驪驪已躑躅鳥隼方歲稔歧聞望太守流聞及京師

岑參鳳翔府行軍送程使君赴成州一首

程侯新出守好日發行軍拜命時人羨能官聖主聞
江樓黑塞兩山郭冷秋雲竹馬諸童子朝朝待使君

王維送梓州李使君一首

萬壑樹參天千峯響杜鵑山中一夜雨樹杪百重泉
漢女輸撞布巴人訟芋田文翁翻教授不敢倚先賢

李白贈昇州王使君忠臣一首

六代帝王國三吳佳麗城賢人當重寄天子借高名
巨海一邊靜長江萬里清應須救趙策未肯棄侯嬴

蘇頲餞澤州盧使君一首

聞道降綸書為邦建綵旆政憑循吏往才以貴卿除
詞賦良無敵聲華藹有餘榮承四岳後請絕五天初
關路通秦壁城池接晉墟撰期行子賦分曲列侯居
別望喧追餞離言繫慄書平蕪寒蛩亂喬木夜蟬踈
參沉秋先起推移月向諸舊文何以贈客至待烹魚

盧象奉和張使君宴加朝散一首

唐詩卷之十七 贈官
十一
佐理星辰貴分榮
渙汗深言從大夫
後用荅聖人心
騎擁軒裳客鸞驚
翰墨林停杯歌麥
秀乘燭醉棠陰
爽氣凌秋笛輕寒
散暝砧祗應將四
子講德謝知音

高適真定即事奉贈肅使君二十八韻一首

漂泊懷書客
渾迴此路隅
問津驚棄置
投刺忽踟蹰
方伯恩彌重
蒼生詠已蘇
郡稱庶叔度
朝議管夷吾
乃繼三台側
仍將四岳俱
江山澄氣象
崖谷倚冰壺
詔寵金門策
官榮葉縣鳧
擢才登粉署
飛步攝雲衢
起草徵調墨
焚香即宴娛
光華揚盛矣
霄漢在茲乎
隱軫推公望
逶迤協帝俞
軒車辭魏闕
旌節副幽都

始佩仙郎印
俄兼太守符
尤多蜀郡理
更得潁州謨
城邑推雄鎮
山川列簡圖
舊燕當絕漠
全趙對平蕪
曠野何湯弥
長亭復鬱紆
始泉遺俗近
活水戰場無
月換思鄉陌
星迴記斗樞
歲容歸萬象
和氣發鴻臚
淪落而誰遇
栖遑有是夫
不才羞擁腫
干祿謝侏儒
契闊慙行邁
羈離憶友于
田園同季子
儲畜異陶朱
方欲呈高義
吹噓揖大巫
求懷吐肝膽
猶憚阻榮枯
解榻情何限
忘言道未殊
從來貴縫掖
應是念窮途

孟浩然送韓使君督洪州一首

述德撫荆衡
分符襲龍榮
往來看擁傳
前後賴專城

唐詩苑 卷之十 七
十一
勿剪棠猶在波澄水更清重推江漢理旋改豫章行
召父多遺愛羊公有令名衣冠列祖道耆舊擁前旌
峴首晨風送江陵夜火迎無才慙孺子千里媿同聲

杜甫奉贈蕭二十使君一首

昔在嚴公幙俱爲蜀使臣艱危參大府前後間清塵
起草鳴先路乘槎動要津王鳧聊暫出蕭雉只相馴
終始任安義荒蕪孟母鄰聯翩匍匐禮意氣死生親
張老存家事稽康有故人食恩慚鹵莽鏤骨抱酸辛
巢許山林志夔龍廊廟珍鵬圖仍矯翼熊軾且移輪
磊落衣冠地蒼茫土木身墳荒鳴自合金石瑩逾新

重憶羅江外同遊錦水濱結歡隨過隙懷舊益沾巾
曠絕含香舍稽番伏枕辰停驂雙闕早迴鴈五湖奈
不達長卿病從來原憲貧監河受貸粟一起轍中鱗

杜甫寄劉峽州伯華使君四十韻一首

峽內多雲雨秋來尚鬱蒸遠山朝白帝深水謁夷陵
遲暮嗟爲客西南喜得朋哀猿更起坐落鳥失飛騰
伏枕思瓊樹臨軒對玉繩青松寒不落碧海潤逾澄
昔歲文爲理羣公價盡增家聲同令聞時論以儒稱
太后當朝肅多才接迹昇翠虛捐颺颺丹極上鷗鵬
宴引春壺滿恩分夏簟冰雕章五色筆紫殿九華燈

唐詩卷之十七 職官 十一
學並盧王敏書借褚薛能老兄真不墜小子獨無承
近有風流作聊從月窟徵放蹄知赤驥捩翅服蒼鷹
卷軸來何晚襟懷庶可憑會期吟諷效益破旅愁凝
雕刻初誰料纖毫欲自矜神融躡飛動戟勝洗侵凌
妙取筌蹄棄高宜百萬層白頭遺恨在青竹幾人登
回首追歡笑勞歌踟躕寢興年華紛已矣世故莽相仍
刺史諸侯貴卽官列宿應潘生驂閣遠黃霸壘書增
乳鬢號拔石飢鼯訴落藤藥囊親道士灰劫問胡僧
憑久烏皮綻簪稀白帽稜林居省蟻穴野食待魚罾
筋力交凋喪飄零免戰競皆爲百里宰正似六安丞

姹女縈新裏丹砂冷舊秤但期椿壽永莫慮杞天崩
鍊骨調情性張兵撓棘矜養生終自惜代数必今懲
政術甘踈誕詞場愧服膺展懷詩誦魯割受酒如繩
咄七寧書字冥七欲避矰江湖多白鳥天地有青蠅
別駕

岑參送襄州任別駕一首

別乘向襄州蕭條楚地秋江聲官舍裡山色郡城頭
莫羨黃公蓋須乘彥伯舟高陽諸醉客唯見古時丘

岑參送懷州吳別駕一首

灞上柳條黃墟頭酒正香春流飲去馬暮雨濕行裝

唐詩卷之十七 職官 十三
學並盧王敏書借褚薛能老兄真不墜小子獨無承
近有風流作聊從月窟徵放蹄知赤驥換翅服蒼鷹
卷軸來何晚襟懷庶可憑會期吟諷效益破旅愁凝
雕刻初誰料纖毫欲自矜神融躡飛動戰勝洗侵凌
妙取筌蹄棄高宜百萬層白頭遺恨在青竹幾人登
回首追歡笑勞歌踟躕寢興年華紛已矣世故奔相仍
刺史諸侯貴即官列宿應潘生驂閣遠黃霸壘書增
乳鬢號拔石飢鼯訴落藤藥囊親道士灰劫問胡僧
憑久烏皮綻簪稀白帽稜林居看蟻穴野食待魚罾
筋力交凋喪飄零免戰競皆為百里宰正似六安丞

姹女縈新裏丹砂冷舊秤但期椿壽永莫慮杞天崩
鍊骨調情性張兵撓棘矜養生終自惜代數必全懲
政術甘踈誕詞場愧服膺展懷詩誦魯割受酒如繩
咄七寧書字具匕欲避矰江湖多白鳥天地有青蠅
別駕

岑參送襄州任別駕一首

別乘向襄州蕭條楚地秋江聲官舍裡山色郡城頭
莫羨黃公蓋須乘彥伯舟高陽諸醉客唯見古時丘

岑參送懷州吳別駕一首

灞上柳條黃墟頭酒正香春流飲去馬暮雨濕行裝

唐詩卷之十七 職官 十四 岑參詩六

唐詩卷之十七 職官部 十四 李齊周本

驛路通函谷州城接太行
置懷人總喜別駕得王祥
杜甫江亭送媚州辛別駕昇之一首

柳影含雲幙江波近酒壺
異方驚會面終宴惜征途
沙暝低風蝶天晴喜浴鳧
別離傷老大意緒日荒蕪

蘇頲贈彭州權別駕一首

雙沅脉脉錦城開
追餞年年往復迴
祗道歌謠迎半刺
徒聞禮數揖中台
黃鸞急轉春風盡
班馬長嘶落日催
莫愴分飛岐路別
還當奏最掖垣來

司戶

李夔為汴州司州至汴戶喜逢宋之問一首

阮藉蓬池上孤韻竹林材
巨源從吏道正擁使車來
相逢且交臂相命且銜盃
醉后長歌畢歡聲繞吹臺

宋之問答李司戶一首

遠方來下客輜軒攝使臣
弄琴宜在夜傾酒貴逢春
駟馬留孤館雙魚贈故人
明朝散雲雨遙仰德為隣

司倉

高適單父逢鄧司倉覆倉庫因而有贈一首

邦牧今坐嘯羣賢趨紀綱
四人忽不擾耕者遙相望
粲粲府中妙授詞如履霜
炎炎伏熱時草木無晶光
匹馬渡睢水清風何激揚
校緝閑帑藏發廩忻斯箱

唐詩卷之十七 職官部 十五 公孫同惟本

唐詩苑 卷之十 贈別
邂逅得相逢歡言至夕陽開襟自公餘載酒登琴堂
舉杯挹山川寓目窮毫芒白鳥向田盡青蟬歸路長
醉中不惜別况乃正遊梁

王昌齡送郭司倉一首

映門淮水綠留騎主人心明月隨良椽春潮夜夜深
司農

李頎送李回一首

知君官屬大司農詔幸驪山戢事雄歲發金錢供御
府晝看仙液注離宮千巖曙雪旌門上十月寒花輦
路中不覩聲明與文物自傷留滯去關東

李頎送司農崔丞一首

黃鸝鳴官寺香草色未已同時皆省郎而我獨留此
維監大倉粟常對府小史清陰羅廣庭正事如流水
奉使往長安今承朝野歡宰臣應記識明主必遷官
塞外貔將武池中鴛與鸞詞人洞簫賦公子駿驥冠
邑里春方晚昆明花欲闌行行取高位當使路傍看
司法

楊炯和酬虢州李司法一首

唇齒標形勝閩河壯邑若寒山抵方伯秋水面鴻臚
君子從遊宦忘情任卷舒風霜下刀筆軒蓋擁門閭

平野芸黃遍長洲鴻鴈初菊花宜泛酒蒲葉好栽書
昔我芝蘭契悠然雲雨跡非君重千里誰肯惠雙魚
王昌齡送姚司法歸吳一首
吳棖番觴楚郡心洞庭秋雨海門陰但令意遠扁舟
近不道滄江百尺深

令

李白贈閻丘宿松一首

阮籍爲太守乘驢上東平剖竹十日間一朝風化清
偶來拂衣去誰測主人情夫子理宿松浮雲如古城
掃地物莽然秋來百草生飛鳥還舊巢遷人返躬耕

何慙宓子賤不減陶淵明君知千載後却掩二賢名

李頎寄韞鵬一首

爲政心閑物自閑朝看飛鳥暮飛還寄書河上神明
宰羨爾城頭姑射山

沈佺期餞康郎中洛陽令二首

洛陽舊出神明宰輦轂由來天地中餘邑政成何足
貴因君取則四方同

一臺推往妙三史佇來修應宰鳥還集辭郎雉少番
郊筵乘落景亭傳理殘秋願以弦歌暇芝蘭想舊遊
張說送王駿自羽林赴永昌令一首

將星移北洛神雨避東京爲負剛腸譽還追強項名
白雲向伊闕黃葉散昆明多謝弦歌宰稀聞桴鼓聲
張說同王僕射山亭餞岑廣武義得言字一

首

聞道長岑令奮翼宰旅門長安東陌上送客蒲朱軒
琴爵留佳境山池借好園茲遊恨不見別後綴離言

岑參送張升宰新澄一首

官柳葉尚小長安春未濃送君潯陽宰把酒青門鍾
水驛楚雲冷山城江樹重遙知南湖上祇對香爐峰
岑參送宇文舍人出宰元城一首

雙鳧出未央千里過河陽馬帶新行色衣聞舊御香
縣花迎墨綬關柳拂銅章別後能爲政相思淇水長

李白贈崔秋浦二首

吾愛崔秋浦宛然陶令風門前五楊柳井上二梧桐
山鳥下廳事簷花落酒中懷君未忍去惆悵意無窮

又

崔令學陶令北窓常晝眠抱琴時弄月取意任無弦
見客但傾酒爲官不愛錢東臯春事起種黍早歸田

又

河陽花作縣秋浦王爲人地逐名賢好風隨惠化春

唐詩類苑 卷之二十七 職官 十一
水從天漢落山逼盡屏新應念金門客投沙吊楚臣
明府

陳子昂送梁李二明府一首

負書猶在漢懷策未聞秦復此窮秋日芳樽別故人
黃金裝屐盡白首契逾新空羨雙鳧鳥俱飛向王輪
宋之問送武進鄭明府一首

絃歌試宰日城闕賞心遠北謝蒼龍去南隨黃鵠飛
夏雲海中出吳山江上微昨歌豈云遠從此慶緇衣

張九齡贈漕陽常明府一首

君有百鍊刃堪斷七重犀誰開太阿匣持割武城鷄

竟與尚書佩還應天子提何時遇操宰當使玉如泥

王維送方城常明府一首

遙思葭菼際寥落楚人行高鳥長淮水平蕪故郢城
使車聽雉乳縣鼓應鷄鳴若見州從事無嫌手板迎

杜甫送趙十七明府之縣一首

連城爲寶重茂宰得才新山雉迎舟楫江花報邑人
論交翻恨晚卧病却愁春惠愛南翁悅餘波及老身

杜甫敬簡王明府一首

葉縣郎官宰周南太吏公神仙才有數流落意無窮
驥病思偏秣鷹秋怕苦籠看君用高義耻與萬人同

唐詩苑類 卷之十七 蘇明府頌一首

鉉府誕英規公才天下知謂乘羔鴈族繼入鳳皇池
赤縣求人隱青門起路岐崔迴車步別鳧化鳥遙馳
神哭周南境童歌渭北垂賢哉苟奉倩袞職佇來儀
張說送合宮蘇明府頌一首

都邑群方首商泉萬俗訛變風須愷悌成化佇絃歌
疇昔珪璋友雍容文雅多振纓遊省闈鏘玉宰京河
別曲鸞初下行軒雉尚過百壺非餞意流詠在人和
高適遇廬明府有贈一首

良吏不易得古人今可傳靜默本諸已以此知其賢

我行挹高風羨尔蕪少年胸懷豁清夜史漢如流泉
明日復行春逶迤出郊壇祭高見百里桑野鬱芊芊
時平俯鵲巢歲熟多人烟奸猾惟閉戶逃亡歸種田
迴軒自郭南老幼滿馬前皆賀蚕農事而無徭役牽
君觀黎庶心撫之誠萬全何幸逢大道願言烹小鮮
誰能奏明主一試武城絃

少府

高適鉅鹿贈李少府一首

李侯雖薄宦時譽何籍七駿馬常借人黃金每番客
投壺華館靜縱酒涼風夕即此遇神仙吾欣知損益

唐詩類苑

卷之十七 職官

二十

高適同惟本

高適答侯少府一首

常日好讀書晚年學垂綸漆園多喬木睢水清粼粼
詔書下柴門天命敢逡巡赫赫三伏時十日到咸秦
褐衣不得見黃綬翻在身吏道頃羈束生涯難重陳
北使經大寒閑山饒苦辛邊兵若芻狗戟骨成埃塵
行矣勿復言歸歟傷我神如何燕趙陸忽遇平生親
開館納征騎彈絃娛遠賓飄颻天地間一別方茲晨
東道有佳作南朝無此人性靈出萬象風骨超常倫
吾黨謝王粲群賢推郗詵時明取秀才落日過浦津
節苦名以富祿微家轉貧相逢愧薄遊撫已荷陶鈞

心事正堪書離憂寧太頻兩河歸路遙二月芳草新
柳接滹沱暗鶯連渤海春誰謂行路難猥當稀代珍
提握每終日相思猶比隣江海有扁舟丘園有角巾
君意定何適我懷知所遵浮沉各異宜老大貴全真
莫作雲霄計遑遑隨措紳

李白酬談少府一首

一尉居修忽梅生有仙骨三事或可羞匈奴哂千秋
壯心屈黃綬浪跡寄滄洲昨觀荆峴作如從雲漢遊
老夫常慕矣蹠足惧驂騑

李白贈瑕丘王少府一首

皎七鸞鳳姿飄飄神仙氣梅生亦何事米作南昌尉
清風佐鳴琴寂寞道爲貴一見過所聞操持難與群
毫揮魯邑訟目送瀛洲雲我隱屠釣下爾當玉石分
無由接高論空此仰清芬

杜甫奉送魏六丈佑少府之交廣一首

賢豪替經綸功成空名垂子孫不振耀歷代皆有之
鄭公四葉孫長大常苦飢衆中見毛骨猶是麒麟兒
磊落正觀事政君樸直詞家聲蓋六合行色何其微
遇客蒼梧陰忽驚會面稀議論有餘地公侯來未遲
虛思黃金貴自笑青雲期長卿久病渴武帝元同時

季子黑貂弊得無妻嫂欺尚爲諸侯客獨屈州縣卑
南遊炎海旬浩蕩從此辭窮途仗神道世乱輕七宜
解帆歲云暮可與春風歸出入朱門家華屋刻蛟螭
王食亞王者樂張游子悲侍婢艷傾城綃綺輕霧霏
掌中琥珀鍾行酒斐逶迤新歡繼明燭梁棟星辰飛
兩情顧盼合珠碧贈於斯上貴見肝膽下貴不相疑
心事披寫間氣酣達所爲錯揮鉄如意莫避珊瑚枝
始蕪逸邁興終慎賓王儀戎馬闔天宇嗚呼生別離

張九齡送常城李少府一首

送客南昌尉離亭西候春野花看欲盡林鳥听猶新

別酒青門路歸軒白馬津相知無遠近萬里尚為隣
岑參送江陵泉少府赴任便呈衛荊州一首
神仙吏姓梅人吏待君來渭北草新出江南花已開
城邊宋玉宅峽口楚王臺不畏無知己荊州甚愛才
岑參送江陵黎少府一首

悔繫腰間綬翻為膝下愁那堪漢水遠更值楚山秋
新橘香官舍征帆拂縣樓王城不敢住豈是愛荊州
岑參送鄭少府赴滏陽一首

子真河朔尉邑甲帶清漳春草迎袍色晴光拂綬香
青山入官舍黃鳥度官墻若到銅臺上應憐魏寢荒

岑參送楚丘翹少府赴官一首

青袍美少年黃綬一神仙微子城東面梁王苑北邊
桃花色似馬榆莢小如錢單父聞相近家書早為傳
孟浩然送盧少府使秦一首

楚關望秦國相去千里餘州縣勤王事山河轉使車
祖筵江上列離恨別前書願及芳年賞矯鶯二月初
孟浩然贈蕭少府一首

上德如流水安仁道若山聞君秉高節而得奉清顏
鴻漸昇台羽牛刀列下班處臆能不潤若劇理常閑
去詐人無譖除邪吏息姦欲知清與潔明月在澄灣

高適同顏少府旅宦秋中一首

傳君昨夜悵然悲，獨坐新齋木落時。
逸氣舊來凌燕雀，高才何得混妍媸。
跡留黃綬人多嘆，心在青雲世莫知。
不是鬼神無正直，從來州縣有瑕疵。

主簿

李嶠送崔主簿赴滄洲一首

紫陌追隨日，青門相見時。
宦遊從此去，離別幾年期。
芳桂中罇酒，幽蘭下調悲。
他鄉有明月，千里照相思。

張九齡送蘇主簿赴偃師一首

我與文雄別，胡然邑吏歸。
賢人安下位，鷺鳥欲卑飛。

激節輕華冕，移官徇綵衣。
羨君行者樂，從此拜庭闈。

岑參送崔主簿赴夏陽一首

常愛夏陽縣，往年曾再過。
縣中饒白鳥，郭外是黃河。
地近行程少，家貧酒債多。
知君新稱意，好得柰春何。

高適同郭十題楊主簿新廳一首

華館曙沉沉，惟良正在今。
用材兼柱石，開物象高深。
更得芝蘭地，兼榮枳棘林。
向風扃戟戶，當暑近棠陰。
物改安卑節，聊閑理劇心。
多君有知己，一和郢中吟。

尉

李頎送人尉閩中一首

可嘆芳菲日分爲萬里情
閭門折垂柳御苑聽殘鶯
海戍通閩邑江航過楚城
客心君莫問春草是王程
常建送李十一尉臨溪一首

冷七花下琴君唱渡江
吟天際一帆影須懸離別心
以言神仙尉因致瑤華音
回軫無商調赴溪澄碧林
岑參送李卽尉武康一首

潘郎腰綬新嘗上縣花
春山色低官舍湖光映吏人
不須嫌邑小莫卽耻家貧
更作東征賦知君有老親
岑參送張子尉南海一首

不擇南州尉高堂有老親
樓臺重蜃氣邑里雜鮫人
海暗三山雨花明五嶺春
此鄉多寶玉慎莫厭清貧
岑參送張卿郎君赴峽石尉一首

卿家送愛子愁見灞頭春
草羨青袍色花隨黃綬新
縣西亟谷路城北太陽津
日暮征鞍去東郊一片塵
孟浩然送袁大祝尉豫章一首

何幸遇休明觀光來上京
將逢武陵客獨送豫章行
隨牒牽黃綬離群會墨卿
江南佳麗地山水舊難名
徐晶送友人尉蜀中一首

故友漢中尉請爲西蜀吟
人家多種橘風土愛彈琴
水向昆明濶山連大夏深
理閑無別事時寄一登臨

杜甫送裴二虬作尉永嘉一首

孤嶼亭何處天涯水氣中故人官就此絕境與誰同
隱吏逢梅福遊山憶謝公扁舟吾已就把釣待秋風
錄事

高適送崔錄事赴宣城一首

大國非不理小官皆用才欲行宣城印住飲洛陽杯
晚景爲人別長天無鳥迴舉帆風波渺倚棹江山來
羨爾燕乘興蕪湖千里開

岑參送柳錄事赴梁州一首

英椽柳家郎離亭酒甕香折腰思漢北隨傳過巴陽

江樹連官舍山雲到卧床知君歸夢積來去劍川長

岑參送王七錄事赴虢州一首

早歲即相知嗟君最後時青雲仍未達白髮欲成絲
小店閉門樹長河華岳祠弘農人吏待莫使馬行遲
岑參送王錄事卻歸華陰王錄事自華陰尉
授虢州錄事參軍旬日却復舊官一首

相送欲狂歌其如此別何攀轅人共惜解印日無多
仙掌雲重見關門路再過雙魚莫不寄縣外是黃河

唐詩類苑第二十七卷終

大國非岑參送王

小國關門樹身何華

早嶽山昧吹

岑參送王

玉樹寒宮舍山雲

